


catorum. Tertia quæstio est periculosissima, qua parum considerata, & non secundum divinum eloquium pertractata, tota illa opinio mihi videtur exorta, in qua promittitur scelestissimè turpissimèque viventibus, etiam si eo modo vivere perseverent, & tantummodo credant in Christum, ejusque sacramenta percipient, eos ad salutem vitamque æternam esse venturos: contra apertissimam Domini sententiam, qui desideranti vitam æternam respondit: *Si vis venire ad vitam, serva mandata: & commemoravit quæ mandata, ubi ea scilicet peccata vitantur, quibus nescio quomodo salus æterna promittitur propter fidem sine operibus mortuam.* De his tribus quæstionibus satis, quantum existimo, disputavi: demonstravique sic tolerandos in Ecclesia malos, ut non negligatur ecclesiastica disciplina: sic catechizandos eos, qui baptismum petunt, ut non solùm audiāt atque suscipiant quid credere, verū etiam qualiter vivere debeant: sic promitti fidelibus vitam æternam, ut non etiam per fidem mortuam, quæ sine operibus salvare non potest, ad eam se quisque pervenire posse arbitretur; sed per illam fidem gratiæ, quæ per dilectionem operatur. Non itaque culpantur dispensatores fideles, non sua negligētia vel pigritia, sed quorundam potius contumacia, qui pecuniam dominicam recusant accipere, & adulterinam suam cogunt servos dominicos erogare, dum nolunt saltem tales esse mali, quales sanctus Cyprianus commemorat, sæculo verbis solis & non factis renuntiantes: quando nec verbis renuntiare diaboli operibus volunt, cùm se in adulterio permansuros voce apertissima profiten-

*Matthi. 9.
17.*

*Cyprianus
serm. de
lapsis.*

tur. Si quid ab eis dici solet, quod forte disputando non adtigi, tale esse arbitratus sum, cui mea responsio necessaria non fuisset; sive quòd ad rem, de qua agitur, non pertineret, sive quòd tam leve esset, ut à quolibet redargui facilimè posset. ^a



EPISTOLA LXXXII.*

Receptis ab Hieronymo superioribus epistolis 72. 75. & 81. rescribit accuratius Augustinus de interpretatione loci epistolæ ad Galatas, confirmans quod Petrus merito veraciterque reprehensus fuerit à Paulo. Ceterum deprecatur veniam, si dictis quibusdam incautioribus Hieronymi animum offendenterit, excusans quod nulla sua culpa per multorum manus obambularit epistola, priusquam ad eum, cui scripta erat, pervenerat.

* Alias
XIX.
quæ autem
82. erat,
nunc 202.

Domino dilectissimo, & in Christi visceribus honorando, sancto fratri & compresbytero HIERONYMO, AUGUSTINUS in Domino salutem.

I. JAM pridem tuæ caritati prolixam epistolam misi, respondens illi tuæ, quam per sanctum filium tuum Asterium, nunc jam non solùm fratrem, verū etiam collegam meum misisse te recolis. Quæ utrū in manus tuas pervenire meruerit, adhuc nescio, nisi quòd

*Scripto
circa an.
405.
CAPUT I.*

per fratrem sincerissimum Firmum scribis,
 „si ille , qui te primum gladio petiit , stilo
 „repulsus est ; ut sit humanitatis meæ atque
 „justitiæ accusantem reprehendere , non res-
 „pondentem.” Hoc solo tenuissimo indicio ut-
 cumque conjicio , legisse te illam epistolam
 meam. In ea quippe deploravi tantam inter-
 vos exstisisse discordiam , de quorum tanta
 amicitia , quaquaversum eam fama diffuderat ,
 caritas fraterna gaudebat. Quod non feci re-
 prehendendo germanitatem tuam , cuius in ea
 re aliquam culpm me cognovisse non ausim
 dicere ; sed dolendo humanam miseriam , cu-
 jus in amicitiis mutua caritate retinendis , quan-
 talibet illa sit , incerta permansio est. Verum
 illud malueram tuis nosse rescriptis , utrum
 mihi veniam , quam poposceram dederis ; quod
 apertius mihi intimari cupio : quamvis hilarior
 quidam vultus litterarum tuarum , etiam hoc
 me impetrasse , significare videatur ; si tamen
 post lectam illam missæ sunt ; quod in eis mi-
 nimè appetet.

2. Petis , vel potius fiducia caritatis jubes ,
 „ut in Scripturarum campo sine nostro invi-
 „cem dolore ludamus.” Evidem quantum ad
 me adinet , serio nos ista , quàm ludo , age-
 re mallem. Quòd si hoc verbum tibi pro-
 pter facilitatem ponere placuit ; ego fateor ma-
 jus aliquid expeto à benignitate virium tua-
 rum , prudentiaque tam docta , & otiosa , an-
 nosa , studiosa , ingeniosa diligentia : hæc tibi
 non tantum donante , verùm etiam dictante
 Spiritu sancto , ut in magnis & laboriosis quæ-
 stionibus , non tamquam ludentem in campo
 Scripturarum , sed in montibus anhelantem ad-
 juves. Si autem propter hilaritatem , quam esse
 inter carissimos disserentes decet , putasti di-
 cen-

cendum esse , ludamus ; sive illud apertum
 & planum sit , unde colloquimur , sive arduum
 atque difficile ; hoc ipsum edoce , obsecro te ,
 quonam modo assequi valeamus : ut cùm for-
 tè aliquid nos movet , quod nobis , etsi non
 cautius adtentibus , certè tardius intelligentibus ,
 non probatum est , & quid nobis vi-
 deatur , contrà conamur asserere , si hoc ali-
 quantò securiore libertate dicamus , non inci-
 damus in suspicionem puerilis jactantia , quasi
 nostro nomini famam , viros illustres accu-
 sando , queramus : si autem aliquid asperum ,
 resellendi necessitate , de promtum fuerit , quòd
 tolerabile fiat , leniore circumfundamus eloquio ,
 ne litum melle gladium stringere judicemur.
 Nisi fortè ille modus est , quo utrumque hoc
 vitium , vel vitii suspicionem caveamus , si
 cum doctiore amico sic disputemus , ut quid-
 quid dixerit , necesse sit approbare , nec quæ-
 rendi saltem caussa , liceat aliquantulum re-
 luctari.

3. Tum verò sine ullo timore offendio-
 nis tamquam in campo luditur ; sed mirum
 si nobis non illuditur. Ego enim fateor ca-
 ritati tuae , SOLIS EIS Scripturarum libris , qui
 jam canonici appellantur , didici hunc timo-
 rem honoremque deferre , ut nullum eorum
 auctorem scribendo aliquid errasse firmissime
 credam. Ac si aliquid in eis offendero lit-
 teris , quod videatur contrarium veritati ; ni-
 hil aliud , quàm vel mendosum esse codicem ,
 vel interpretem non assequutum esse quod
 dictum est , vel me minimè intellexisse , non
 ambigam. Alios autem ita lego , ut quan-
 talibet sanctitate doctrinaque præpolleant , non
 ideo verum putem , quia ipsi ita senserunt ;
 sed quia mihi vel per illos auctores cano-

*Dist. 9. c.
Ego solis.*

nicos , vel probabili ratione , quòd à vero non abhorreat , persuadere potuerunt . Nec te , mi frater , sentire aliud existimo : prorsus , inquam , non te arbitror sic legi tuos libros velle , tamquam Prophetarum , vel Apostolorum ; de quorum scriptis , quòd omni errore careant , dubitare nefarium est . Absit hoc a pia humilitate & veraci de temetipso cogitatione : quan nisi esses prædictus , non utique dices : „ Utinam mereremur complexus tuos , & collatione „ mutua vel doceremus aliqua vel disceremus . „

CAP. II. 4. QUOD si te ipsum consideratione vita ac morum tuorum , non simulatè , nec fallaciter dixisse credo ; quanto magis æquum est me credere , Apostolum Paulum non aliud sensisse , quam scriperit , ubi ait de Petro &

Gal. 2. 14. Barnaba : *Cum viderem quia non rectè ingrediuntur ad veritatem Evangelii , dixi Petro coram omnibus : Si tu , cùm sis iudæus , gentiliter & non iudaicè vivis , quomodo gentes cogis iudaizare ?* De quo enim certus sim , quòd me scribendo vel loquendo non fallat , si fallebat Apostolus filios suos , quos iterum parturiebat , donec in eis Christus , id est , veritas formaretur ? Quibus cùm præmisisset , dicens :

Quæ autem scribo vobis , ecce coram Deo quia non mentior ; non tamen veraciter scribebat , sed nescio qua dispensatoria simulatione fallebat , vidisse se Petrum & Barnabam non rectè ad Evangelii veritatem ingredientes , ac Petro in faciem restitisse , non ob aliud nisi quòd gentes cogeret iudaizare .

5. At enim satius est credere , Apostolum Paulum aliiquid non verè scrisisse , quam Apostolum Petrum non rectè aliiquid egisse . Hoc si ita est , dicamus (quod absit) satius esse credere mentiri Evangelium , quam ne-

Math. 26.
75.

negatum esse à Petro Christum ; & mentiri Regnorum librum , quam tantum Prophetam , à Domino Deo tam excellenter electum , & *2. Reg. II.* in concupiscenda atque abducenda uxore aliena commisso adulterium , & in marito ejus necando tam horrendum homicidium . Imò verò sanctam Scripturam in summo & cælesti auctoritatis culmine collocatam , de veritate ejus certus ac securus legam , & in ea homines vel approbatos , vel emendatos , vel damnatos veraciter discam , potius quam facta humana , dum in quibusdam laudabilis excellentiæ personis aliquando credere timeo reprehendenda , ipsa divina eloquia mihi sint ubique suspecta .

6. Manichæi plurima divinarum Scripturarum , quibus eorum nefarius error clarissima sententiarum perspicuitate convincitur , quia in alium sensum detinere non possunt , falsa esse contendunt : ita tamen , ut eamdem falsitatem non scribentibus Apostolis tribuant , sed nescio quibus codicum corruptoribus . Quod tamen quia nec pluribus sive antiquioribus exemplaribus , nec præcedentis linguae auctoritate , unde latini libri interpretati sunt , probare aliquando potuerunt ; notissima omnibus veritate superati , confusisque discedunt . Itane non intelligit prudentia sancta tua , quanta malitia illorum patescat occasio , si non ab aliis apostolicas litteras esse falsatas , sed ipsos Apostolos falsa scrisse , dicamus ?

7. Non est , inquis , credibile , hoc in Petro Paulum , quod ipse Paulus fecerat , arguisse . Non nunc inquiero quid fecerit ; quid

x 4

scrip-

a Lov. potius quam facta humana , ne dum &c. sed melius sublatio , ne , ut in aliis editionibus & in MSS.

scripserit quæro : hoc ad questionem , quam suscepi , maximè pertinet ; ut veritas divinarum Scripturarum ad nostram fidem ædificandam memoriaz commendata , non à quibuslibet , sed ab ipsis Apostolis , ac per hoc in canonicum auctoritatis culmen recepta , ex omni parte verax atque indubitanda persistat. Nam si hoc fecit Petrus , quod facere debuit ; mentitus est Paulus , quod eum videtur non rectè ingredientem ad veritatem Evangelii. Quisquis enim hoc facit , quod facere debet , rectè utique facit. Et ideo falsum de illo dicit ; qui dicit eum non rectè fecisse , quod eum novit facere debuisse. Si autem verum scripsit Paulus ; verum est , quod Petrus non rectè tunc ingrediebatur ad veritatem Evangelii. Id ergo faciebat , quod facere non debebat : & si tale aliquid Paulus ipse jam fecerat , correctum potius etiam ipsum credam coapostoli sui correctionem non potuisse negligere , quæm mendaciter aliquid in sua epistola posuisse ; & in epistola qualibet : quanto magis in illa , in qua præloquutus ait : *Quæ Gal. I. 20. autem scribo vobis , ecce coram Deo quia non mentior ?*

8. Ego quidem illud Petrum sic egisse credo , ut gentes cogeret judaizare. Hoc enim lego scripsisse Paulum , quem mentitum esse non credo. Et ideo non rectè agebat hoc Petrus. Erat enim contra Evangelii veritatem , ut putarent , qui credebant in Christum , siue illis veteribus sacramentis salvos se esse non posse. Hoc enim contendebant Antiochiaz , qui ex circumcisione crediderant : contra quos Paulus perseveranter acriterque configit. Ipsum vero Paulum non ad hoc id egisse , quod vel Timotheum circumcidit , vel Cenchreis votum per-

*Act. 16. 3.
Act. 18.*

persolvit , vel Jerosolymis à Jacobo admoniti^{21.} tus , cum eis , qui noverant , legitima illa celebranda suscepit ; ut putari videretur , per ea sacramenta etiam christianam salutem dari : sed ne illa , quæ prioribus , ut congruebat , temporibus in umbris rerum futurarum Deus fieri jusserrat , tamquam idolatriam gentilium damnare crederetur. Hoc est enim quod illi Jacobus ait , auditum de illo esse quod dismissionem doceat à Moyse. Quod utique nefas est , ut credentes in Christum discindantur à Propheta Christi , tamquam ejus doctrinam detestantes atque damnantes : de quo ipse Christus dicit : *Si crederetis Moysi , crederetis & mihi ; de me enim ille scripsit.* ^{22.} *Act. 21.*

9. Adtende enim , obsecro , ipsa verba Jacobi : *Vides , inquit , frater , quot millia sunt in Iudea , qui crediderunt in Christum : & hi omnes emulatores sunt legis. Audierunt autem de te , quia dissencionem doces à Moyse eorum , qui per gentes sunt , iudeorum ; dicens non debere circumcidere eos filios suos , neque secundum consuetudinem ingredi. Quid ergo est ? Utique oportet convenire multitudinem : audierunt enim te supervenisse : hoc ergo fac , quod tibi dicimus. Sunt nobis viri quatuor votum habentes super se ; his assumptis , sanctifica te cum ipsis , & impende in eos , ut radant capita : & scient omnes quia , quæ de te audierunt , falsa sunt ; sed sequeris & ipse , custodiens legem. De gentibus autem qui crediderunt , nos mandavimus , judicantes nihil ejusmodi servare illos , nisi ut se observent ab idolis immolato , & à sanguine , & à fornicatione. Non opinor , obscurum est , & Jacobum hoc ideo monuisse , ut scirent falsa esse , quæ de*

Omittit,
suffoca-
tum.

de illo audierant hi , qui cùm in Christum ex judæis credidissent , tamen æmulatores erant legis , ne per doctrinam Christi velut sacrilega , nec Deo mandante conscripta damnari putarentur , quæ per Moysen patribus fuerant ministrata . Hoc enim de Paulo jactaverant , non illi qui intelligebant quo animo à judæis fidelibus observari tunc ista deberent , propter commendandam scilicet auctoritatem divinam , & sacramentorum illorum propheticam sanctitatem , non propter adipiscendam salutem , quæ jam in Christo revelabatur , & per baptismi sacramentum ministrabatur ; sed illi hoc de Paulo sparserant , qui sic ea volebant observari , tamquam sine his in Evangelio salus creditibus esse non posset . Ipsum enim senserant vehementissimum gratiæ prædicatorem & intentioni eorum maximè adversum , docentem non per illa hominem justificari , sed per gratiam Jesu Christi ; cuius prænuntianæ caussa illæ umbræ in lege mandata sunt . Et ideo illi invidiam & persecutionem molientes concitare , tamquam inimicum legis mandatorumque divinorum criminabantur : cuius falsæ criminationis invidiam congruentius devitare non posset , quæ ut ea ipse celebraret , quæ damnare tamquam sacrilega putabatur ; atque ita ostenderet , nec judæos tunc ab eis tamquam à nefariis prohibendos , nec gentiles ad ea tamquam ad necessaria compellendos .

10. Nam si revera sic ea reprobaret , quemadmodum de illo auditum erat ; & ideo celebranda susciperet , ut actione simulata suam posset occultare sententiam ; non ei diceret
 Act. 21. Jacobus , *Et scient omnes* ; sed diceret : Et
 28. putabunt omnes , quoniam quæ de te audi-
 runt ,

rint , falsa sunt : præsertim quia in ipsis Jerosolymis Apostoli jam decreverant , ne quisquam gentes cogeret judaizare : non autem decreverant , ne quisquam tunc judæos judaizare prohiberet , quamvis etiam ipsos jam doctrina christiana non cogeret . Proinde si post Apostolorum decretum Petrus habuit illam in Antiochia simulationem , qua gentes cogeret judaizare , quod jam nec ipse cogebatur , quamvis propter commeridanda eloquia Dei , quæ judæis sunt credita , non prohibebatur ; quid mirum , si constringebat eum Paulus liberè asserere , quod cum ceteris Apostolis se Jerosolymis decrevisse meminerat ?

11. Si autem hoc , quod magis arbitror , ante illud Jerosolymitanum concilium Petrus fecit , nec sic mirum est , quod eum volebat Paulus non timidè obtegere , sed fidenter asserere , quod eum pariter sentire jam noverat : sive quod cum eo contulerat Evangelium ; sive quod in Cornelii centurionis vocatione , etiam divinitus eum de hac re admonitum acceperat ; sive quod antequam illi , quos timuerat , venissent Antiochiam , cum gentibus eum convesci viderat . Neque enim negamus in hac sententia fuisse jam Petrum , in qua & Paulus fuit . Non itaque tunc eum quid in ea re verum esset docebat ; sed ejus simulationem , quæ gentes judaizare cogebantur , arguebat : non ob aliud , nisi quia sic illa omnia simulatoria geregabantur , tamquam verum esset , quod illi dicebant , qui sine circumcisione præputii atque aliis observationibus , quæ erant umbræ futurorum , putabant credentes salvos esse non posse .

12. Ergo & Timotheum circumcidit prop-
 terea , ne judæis , & maximè cognitioni ejus
 35. q. 9.
 ma-

maternæ sic viderentur , qui ex gentibus in Christum crediderant , detestari circumcisio- nem , sicut idololatria detestanda est : cùm il- lam Deus fieri præceperit , hanc satanas per- suaserit. Et Titum propterea non circumci- dit , ne occasionem daret eis , qui sine illa cir- cumcisione dicebant credentes salvos esse non posse , & ad deceptionem gentium hoc etiam Paulum sentire jactarent. Quod ipse satis sig- nificat , ubi ait : *Sed neque Titus , qui me- cum erat , cùm esset græcus , compulsus est circumcidì: propter subintroductos autem falsos fratres , qui subintroierant per- scrutari libertatem nostram , ut nos in ser- vitutem redigerent ; quibus nec ad horam cessimus subjectione , ut veritas Evangelii permaneat ad vos.* Hic apparet , quid eos captare intellexerit , ut non faceret quod in Timotheo fecerat ; & quod ea libertate face- re poterat , qua ostenderat , illa sacramenta nec tamquam necessaria debere appeti , nec tam- quam sacrilega debere damnari.

Gal. 2. 3. 13. Sed cavendum est videlicet , in hac disputatione , ne sicut philosophi , quædam facta hominum media dicamus inter rectè factum & peccatum , quæ neque in rectè factis , neque in peccatis numerentur ; & urgeamur , eo , quòd observare legis ceremonias non po- test esse indifferens ; sed aut bonum , aut ma- lum : ut , si bonum dixerimus , eas nos quo- que observare cogamur ; si autem malum , non verè sed simulatè ab Apostolis observatas es- se credamus. Ego verò Apostolis non tam exemplum philosophorum timeo , quando & il- li in sua disputatione veri aliquid dicunt , quæm forensium advocatorum , quando in alienarum caussarum actione mentiuntur. Quorum simi- li-

litudo si in ipsa expositione Epistolæ ad ga- latas ad confirmandam simulationem Petri & Pauli putata est decenter * induci ; quid ego apud te timeam nomen philosophorum , qui non propterea vani sunt , quia omnia falsa di- cunt ; sed quia & falsis plerisque confidunt ; & ubi vera inveniuntur dicere , à Christi gra- tia , qui est ipsa veritas , alieni sunt ?

14. Cur autem non dicam , præcepta illa veterum sacramentorum nec bona esse , quia non eis homines justificantur (umbræ enim sunt prænuntiantes gratiam , qua justificamur) nec tamen mala , quia divinitus præcepta sunt , tempori personisque congruentia : cùm me ad- juvet etiam prophetica sententia , qua dicit Deus se illi populo dedisse præcepta non bo- na ? Fortè enim propterea non dixit mala ; sed *Ezech 20. tantum non bona , id est , non talia , ut illis 25.* homines boni fiant , aut sine illis boni non fiant. Velle , me doceret benigna sinceritas tua , utrum simulatè quisquam sanctus ori- entalis , cùm Romam venerit , jejunet sabbato , excepto illo die paschalis vigiliæ : quòd si ma- lum esse dixerimus , non solum romanam ec- clesiam , sed etiam multa ei vicina , & aliquan- tò remotiora damnabimus , ubi mos idem te- netur & manet. Si autem non jejunare sab- bato malum putaverimus ; tot ecclesias ori- entis , & multò majorem orbis christiani partem qua temeritate criminabimur ? Placetne tibi , ut medium quiddam esse dicamus , quod tamen ac- ceptabile sit ei , qui hoc non simulatè , sed con- gruenti societate atque observantia fecerit ? Et tamen nihil inde legimus in canonis libris præceptum esse christianis. Quantò magis il- lud malum dicere non audeo , quod Deum præcepisse ipsa christiana fide negare non pos- sum ,

*Dist. 12.
Illa.*

* Ut iab Hierony- mo induci- tur.

sum, qua didici non eo me justificari, sed gratia Dei per Jesum Christum Dominum nostrum?

15. Dico ergo, circumcisionem præputii, & cetera hujusmodi, priori populo per Testamentum, quod vetus dicitur, divinitus data ad significationem futurorum, quæ per Christum oportebat impleri: quibus advenientibus, remansisse illa christianis legenda tantum, ad intelligentiam præmissa prophetæ, non autem necessariò facienda; quasi adhuc exspectandum esset, ut veniret fidei revelatio, quæ his significabatur esse ventura. Sed quamvis gentibus imponenda non essent, non tamen sic debuisse auferri à consuetudine judæorum, tamquam detestanda atque damnanda. Sensim proinde atque paulatim fervente sana prædicatione gratiæ Christi, qua sola nossent credentes se justificari, salvosque fieri, non illis umbris rerum antea futurarum, tunc jam venientium atque præsentium, ut in illorum judæorum vocatione, quos præsentia carnis Domini, & apostolica tempora sic invenerant, omnis illa actio consumeretur umbrarum, hoc eis suffecisse ad commendationem, ut non tamquam detestanda, & similis idolatriæ vitaretur: ultrà verò non haberet progressum; ne putaretur necessaria, tamquam vel ab illa salus esset, vel sine illa esse non posset. Quod putaverunt hæretici, qui dum volunt & judæi esse, & christiani, nec judæi, nec christiani esse potuerunt. Quorum sententiam mihi cavendam, quamvis in ea numquam fuerim, tamen benevolentissimè admonere dignatus es. In cujus sententiæ non consensio-

Cat. 2. 14.

nem, sed simulationem Petrus timore incidet, ut de illo Paulus verissimè scriberet, quod eum

eum vidisset non rectè ingredientem ad veritatem Evangelii, eique verissimè diceret, quod gentes judaizare cogebat. Quod Paulus utique non cogebat, ob hoc illa vetera veraciter, ubi opus esset, observans, ut damnanda non esse monstraret: prædicans tamen instanter non eis, sed revelata gratia fidei, fidèles salvos fieri, ne ad ea quemquam velut necessaria suscipienda compelleret. Sic autem credo Apostolum Paulum veraciter cuncta illa gesisse; nec tamen nunc quemquam factum ex judæo christianum, vel cogo, vel si no talia veraciter celebrare: sicut nec tu, cui videtur Paulus ea simulasse, cogis istum, vel sinis talia simulare.

16. An vis, ut etiam ego dicam, hanc esse summam questionis, imo sententiæ tuæ, ut post Evangelium Christi, benè faciant credentes judæi, si sacrificia offerant, quæ obtulit Paulus, si filios circumcidant, si sabbatum observent, ut Paulus in Timotheo, & omnes observavere judæi, dummodo hæc simulatè ac fallaciter agant? Hoc si ita est; non jam in hæresim Hebionis, vel eorum, quos vulgo Nazaræos nuncupant, vel quilibet aliam veterem, sed nescio in quam novam delabimur, quæ sit eò perniciosior, quod non errore, sed proposito est ac voluntate fallaci. Quod si respondeas, ut te ab hac purges sententia, tunc Apostolos ista laudabiliter simulasse, ne scandalizarentur infirmi, qui ex judæis multi crediderant, & ea resuenda nondum intelligebant; nunc verò confirmata per tot gentes doctrina gratiæ christianæ, confirmata etiam per omnes Christi ecclesias lectione legis & Prophetarum, quo modo hæc intelligenda, non observanda recitentur, quis

Act. 16. 3.

quis ea simulando agere voluerit, insanire: cur mihi non licet dicere, Apostolum Paulum, & alios recte fidei christianos, tunc illa vetera sacramenta paululum observando veraciter commendare debuisse; ne putarentur illæ propheticæ significationis observationes à piissimis patribus custoditæ, tamquam sacrilegia diabolica à posteris detestandæ? Jam enim cum venisset fides quæ priùs illis observationibus prænuntiata, post mortem & resurrectionem Domini revelata est, amiserant tamquam vitam officii sui. Verumtamen sicut defuncta corpora, necessariorum officiis deducenda erant quodammodo ad sepulturam, nec simulatè, sed religiosè; non autem deserenda continuò, vel inimicorum obrectationibus tamquam canum morsibus projicienda. Proinde nunc quisquis christianorum, quamvis sit ex judæis, similiter ea celebrare voluerit, tamquam sopitos cineres eruens, non erit pius deductor, vel bajulus corporis, sed impius sepulturæ violator.

17. Fateor sanè in eo, quod epistola continet mea, quod ideo sacramenta judæorum Paulus celebranda suscepérat, cùm jam Christi esset Apostolus, ut doceret non esse perniciosa his, qui ea vellent, sicut à parentibus per legem acceperant, custodiare, minùs me posuisse, illo dumtaxat tempore, quo primùm fidei gratia revelata est: tunc enim hoc non erat perniciosum. Progressu verò temporis^a illæ ob-

^a Editi, progressu verò temporis erat perniciosum, nisi illæ observationes ab omnibus christianis desererentur, ne si tunc fierent, non discernerentur &c. At MSS. viginti parent his verbis, erat perniciosum, nisi. Deinde habent, ne si tunc fieret, id est, ne si primo illo tempore desererentur.

observationes ab omnibus christianis desererentur; ne, si tunc fieret, non discerneretur quod Deus populo suo per Moysen præcepit, ab eo quod in templis dæmoniorum spiritus immundus instituit. Proinde potius culpanda est negligentia mea, quia hoc non addidi, quām objurgatio tua. Verumtamen longè antequam litteras tuas accepissem, scribens contra Faustum manichæum quomodo eudem locum^b, quamvis breviter explicaverim, & hoc illic non prætermiserim, & legere poterit, si non dedignetur, benignitas tua; & à carissimis nostris, per quos nunc hæc scripta misi, quomodo volueris tibi fides fieri, illud me antè dictasse: mihi de animo meo crede, quod coram Deo loquens, jure caritatis exposco, numquam mihi visum fuisse, etiam nunc christianos ex judæis factos, sacramenta illa vetera quolibet affectu, quolibet animo celebrare debere, aut eis ullo modo licere; cùm illud de Paulo semper ita senserim, ex quo illius mihi litteræ innotuerunt: sicut nec tibi videtur, hoc tempore cuiquam esse simulanda ista, cùm hoc fecisse Apostolos credas.

18. Proinde sicut tu è contrario loqueris, & licet reclamante, sicut scribis, mundo, libera voce pronuntias, ceremonias judæorum & perniciose esse & mortiferas christianis; & quicumque eas observaverit, sive ex judæis, sive ex gentibus, eum in barathrum diaboli devolutum: ita ego hanc vocem tuam omnino confirmò, & addo: Quicumque eas observaverit, sive ex judæis, sive ex gentibus, non solùm veraciter, verùm etiam simulatè, eum in barathrum diaboli devolutum. Quid quæris amplius? Sed sicut tu simulationem Apostolorum ab hujus temporis ratione secer-

nis ; ita ego Pauli Apostoli veracem tunc in his omnibus conversationem ab hujus temporis , quamvis minimè simulata , ceremoniarum judaicarum observatione secerno : quoniam tunc fuit approbanda , nunc detestanda. Ita

Luc. 16. 16. quamvis legerimus : *Lex & Prophetæ usque Joan. 5. 18.* ad Joannem Baptistam ; & quia propterea

quærebant judæi Christum interficere , quia non solum solvbat sabbatum , sed & Patrem suum dicebat Deum , æqualem se faciens Deo ; & quia gratiam pro gratia ac-

Joan. 1. 16. *Ibidem 17.* cepimus : & quoniam lex per Moysen data

Ferem. 31. est , gratia autem & veritas per Jesum Christum facta est ; & per Jeremiam promissum

est , daturum Deum Testamentum novum domui Juda non secundùm Testamentum quod dispositus patribus eorum : non tamen arbitror ipsum Dominum fallaciter à parentibus circumcisum. Aut si hoc propter ætatem minimè prohibebat ; nec illud arbitror eum dixisse fallaciter leproso , quem certè non illa per Moysen præcepta observatio , sed ipse mandaverat : *Vade & offer pro te sacrificium quod præcepit Moyses in testimonium illis.*

Marc. 1. 44. *Joan. 7. 10.* Nec fallaciter adscendit ad diem festum , usque adeo non caussa ostentationis coram hominibus , ut non evidenter adscenderit , sed latenter.

19. At enim dixit idem Apostolus : *Ecc. Gal. 5. 2.* ce ego Paulus dico vobis , quia si circumcidamini , Christus vobis nihil proderit. Decipit ergo Timotheum , & fecit ei nihil prodesse Christum. An quia hoc fallaciter factum est , ideo non obsuit ? At ipse hoc non posuit , nec ait : Si circumcidamini veraciter , sicut nec fallaciter ; sed sine ulla exceptione dixit : *Si circumcidamini , Christus vobis nihil*

hil proderit. Sicut ergo tu vis h̄ic locum dare sententiæ tuæ , ut velis subintelligi , nisi fallaciter ; ita non impudenter flagito , ut etiam nos illic intelligere sinas eis dictum , si circumcidamini ; qui propterea volebant circumcidiri , quod aliter se putabant in Christo salvos esse non posse. Hoc ergo animo , hac voluntate , ista intentione quisquis tunc circumcidebatur , Christus ei nihil omnino proderat. Sicut alibi apertè dicit : *Nam si per Gal. 2. 21. legem justitia , ergo Christus gratis mortuus est.* Hoc declarat & quod ipse commemorasti : *Evacuati estis à Christo . qui in lege justificamini ; à gratia excidistis.* Illos itaque arguit , qui se justificari in lege credebant , non qui legitima illa in ejus honorem , à quo mandata sunt , observabant , intelligentes , & qua prænuntiandæ veritatis ratione mandata sint , & quousque debeant perdurare. Unde est illud quod ait : *Si Spiritu Ibid. 18. ducimini , non adhuc estis sub lege :* unde , velut colligis , appetit qui sub lege est non dispensative , ut nostros putas voluisse miores , sed verè , ut ego intelligo , eum Spiritum sanctum non habere.

20. Magna mihi videtur quæstio , quid sit esse sub lege sic , quemadmodum Apostolus culpat. Neque enim hoc eum propter circumcisionem arbitror dicere , aut illa sacrificia , quæ tunc facta à patribus , nunc à christianis non fiunt , & cetera hujusmodi ; sed hoc ipsum etiam quod lex dicit , *non concupisces* (quod fatemar certè christianos debere observare , atque evangelica maximè illustratione prædicari) Legem dicit esse sanctam , & mandatum sanctum , & justum , & bonum ; deinde subjungit : *Quod ergo bonum est , mihi factum est mors*

Beda vul-
gatus Gal.
5.

Exod. 20.
17.
Deut. 5. 21.
Rom. 7. 7.
Ibid. 12.

Ibid. 13. Absit : sed peccatum ut appareat peccatum, per bonum mihi operatum est mortem, ut fiat supra modum peccator, aut peccatum per mandatum. Quod autem h̄c dicit : Peccatum per mandatum fieri supra modum, hoc alibi ait: *Lex Rom. 5.20.* subintravit ut abundaret delictum. Ubi autem abundavit delictum superabundavit gratia. Et alibi, cūm superiū de dispensatione gratiae loqueretur quōd ipsa justificet, velut interrogans ait: *Quid ergo lex?* Atque huic interrogationi continuo respondit: *Prævaricationis gratia posita est, donec veniret semen, cui promissum est.* Hos ergo damnabiliter dicit esse sub lege, quos reos facit lex, non implentes legem, dum non intelligendo gratiae beneficium ad facienda Dei præcepta, quasi de suis viribus superba elatione presumunt. *Plenitudo enim legis caritas. Caritas verò Dei diffusa est in cordibus nostris,* non per nos ipsos, sed per *Spiritum sanctum qui datus est nobis.* Sed huic rei quantum satis est explicandæ, prolixior fortassè & sui proprii voluminis sermo debetur. Si ergo illud quod lex ait, *non concupiscere, si humana infirmitas gratia Dei adjuta non fuerit, sub se reum tenet, & prævaricatorem potius damnat, quā liberat peccatorem;* quantò magis illa, quæ significationis causa præcepta sunt, circumcisio, & cetera, quæ revelatione gratiae latius innotescente necesse fuerat aboleri, justificare neminem poterant? Non tamen ideo fuerant tamquam diabolica gentium sacrilegia fugienda, etiam cū ipsa gratia jam cooperat revelari, quæ umbris talibus fuerat prænuntiata; sed permittenda paululum, eis maximè qui ex illo populo, cui data sunt, venerant. Postea verò tamquam cum honore sepulta sunt, à christia-

tianis omnibus irreparabiliter deserenda.

21. Hoc autem, quod dicis: "Non dispensativè, ut nostri voluere majores;" quid sibi vult, oro te? Aut enim hoc est, quod ego appello officiosum mendacium, ut hæc dispensatio sit officium velut honestè mentendi: aut quid aliud sit, omnino non video, nisi foris, addito nomine dispensationis, sit ut mendacium non sit mendacium. Quod si absurdum est; cur ergo non aperte dicis, officiosum mendacium defendendum? Nisi forte nomen te movet, quia non tam usitatum est in ecclesiasticis libris vocabulum officii, quod Ambrosius noster non timuit, qui suos quosdam libros utilium præceptionum plenos, de Officiis voluit appellare. An si officiosè mentiatur quisque, culpandus est; si dispensativè approbandus? Rogo te, mentiatur ubi elegit qui hoc putat: quia & in hoc magna quæstio est, sitne aliquando mentiri viri boni, imò viri christiani, qualibus dictum est: *Sit in ore vestro, Est, est, Non, non: ut non sub iudicio decidatis.* Et qui cum fide audiunt: *Perdes omnes, qui loquuntur mendacium?*

22. Sed hæc, ut dixi, & alia, & magna quæstio est: eligat quod voluerit, qui hoc existimat, ubi mentiatur: dum tamen à scribentibus auctoribus sanctorum Scripturarum, & maximè canonicarum, inconcussè credatur, & defendatur omnino abesse mendacium: ne dispensatores Christi, de quibus dictum est: *Hic jam queritur inter dispensatores, ut fidelis quis inveniatur;* tamquam magnum aliquid sibi fideliter didicisse videantur, pro veritatis dispensatione mentiri, cū ipsa fides in latino sermone ab eo dicatur appellata, quia fit quod dicitur. Ubi autem fit, quod

*Fac. g. 12.
Matth. 5. 37.*

Ps. 5. 7.

*Bed. vulg.
Gal. 2.*

I. Cor. 4. 2.